



საქართველოს
განათლებისა და
მეცნიერების
სამინისტრო



მასწავლებელთა
პროფესიული
განვითარების
ეროვნული
ცენტრი

სსიპ – მასწავლებელთა პროფესიული განვითარების ეროვნული ცენტრი

სატენდერო დოკუმენტაცია

ელექტრონული ტენდერის საშუალებით
სასტუმრო მომსახურების
შესყიდვა

(CPV 55110000 – სასტუმროში დაბინავების მომსახურება; CPV 55120000 – სასტუმროში შეხვედრების და კონფერენციების ორგანიზების მომსახურება, CPV55130000 - სასტუმროსთან დაკავშირებული სხვა მომსახურება)

ქ. თბილისი
2015 წ.

ელექტრონული ტენდერით სასტუმრო მომსახურების შესყიდვა განხორციელდება „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების შესაბამისად (იხ. ვებ გვერდი www.procurement.gov.ge).

ტექნიკური დავალება

პრეტენდენტმა უნდა უზრუნველყოს სსიპ - მასწავლებელთა პროფესიული განვითარების ეროვნული ცენტრის პროგრამის „ქართული ენა მომავალი წარმატებისთვის“ ფარგლებში ორგანიზებული ტრენინგის 65 მონაწილისთვის სასტუმრო-საკონფერენციო მომსახურების გაწევა, რომელიც მოიცავს სასტუმროში დაბინავების მომსახურებას, შეხვედრების და კონფერენციების ორგანიზების მომსახურებას და ტრანსპორტირებას.

მომსახურების გაწევის სავარაუდო ადგილი: სასტუმრო უნდა მდებარეობდეს თბილისის ფარგლებს გარეთ, თბილისიდან არაუმეტეს 200 კილომეტრში, საქართველოს მთავრობის 2013 წლის 31 ოქტომბრის N 1532 განკარგულებით შესაბამისი კვარტლისთვის განსაზღვრული რეგიონების ადმინისტრაციულ საზღვრებში;

1. მომსახურების გაწევის ვადები:

2015 წლის 5-14 ოქტომბერი

სასტუმროში დაბინავების დრო: 2015 წლის 05 ოქტომბერი, გამოსვლის დრო 14 ოქტომბერი 12:00 საათზე.

შენიშვნა: მომსახურების გაწევის ვადები სავარაუდოა და შეიძლება შეიცვალოს, რის შესახებაც ეცნობება მიმწოდებელს.

2. აუცილებელი პირობა:

2.1. მიმწოდებელს უნდა გააჩნდეს ანალოგიური მომსახურების გაწევის არანაკლებ 2 წლიანი გამოცდილება.

2.2. სატენდერო პირობების შესაბამისად, მიმწოდებელმა უნდა უზრუნველყოს სასტუმრო მომსახურების გაწევა, რომელიც თავის მხრივ მოიცავს:

- ✓ შეხვედრის მონაწილეთა სასტუმროში დაბინავების მომსახურებას;
- ✓ შეხვედრების ორგანიზების მომსახურებას;
- ✓ კვებით მომსახურებას (შედეური მაგიდა);
- ✓ ტრანსპორტირებას საქართველოს სხვადასხვა რეგიონიდან სასტუმრომდე და უკუმიმართულებით;

2.3. შემოთავაზებული სასტუმრო უნდა იყოს მაღალი დონის და პასუხობდეს ამ სფეროში არსებულ სტანდარტებს, უზრუნველყოფილი იქნას უსაფრთხოების ყველა ნორმას;

➤ 65 მონაწილიდან 5 მონაწილე განთავსდება ერთ ადგილიან ნომრებში, 60 მონაწილე განთავსდება 2-3 ადგილიან ნომრებში.

➤ ღამისთევს, ოთახები ინდივიდუალური საწოლებით (გასაშლელი საწოლები არ იგულისხმება) და ინდივიდუალური სველი წერტილებით, ცივი/ ცხელი წყალი და გათბობა/კონდიციონერა (24 საათი), ინტერნეტის მუდმივი მომსახურება - Wi-Fi ქსელი არანაკლებ 1 მგ/წმ, როგორც ყველა ოთახში, ასევე სამუშაო, შეხვედრების, სატრენინგო და საკონფერენციო ოთახებში. ინტერნეტის მინიმალური სიჩქარე 1 მგ/წმ., wifi როუტერი უნდა იყოს განლაგებული ყველა სართულზე; ოთახებში დაცული უნდა იყოს სანიტარული ნორმები; ოთახებში სასმელი წყალი ბოთლებში: სასტუმროს 1 ბინადარზე არანაკლებ არანაკლებ 1 ლიტრი. სასტუმროს პერსონალმა უნდა უზრუნველყოს სტუმრების ტვირთის მათ კუთვნილ ოთახებამდე და ნომრიდან სატრანსპორტო საშუალებამდე მიტანა, ასევე მისი შემდგომი უსაფრთხოება. ოთახებში უნდა იყოს შესაბამისი რაოდენობის პირველადი ჰიგიენის პროდუქტები (საპონი, შამპუნი, დასაბანი გელი და სხვა).

2.5 სასტუმროში კვებასთან შესვენებასთან დაკავშირებული მომსახურება:

კვება; საუზმე, სადილი, ვახშამი, ყავის შესვენება (იხილეთ დანართი N 3) შემოთავაზებული მენიუ უნდა იყოს მდიდარი რაციონის და იცვლებოდეს პერიოდულად. კვების მომსახურების დრო უნდა შეთანხმდეს შემსყიდველთან. სასადილო ოთახში უნდა იყოს გამართული გათბობა-გაგრილების სისტემა.

2.6 სასტუმროში შეხვედრების და კონფერენციების ორგანიზების მომსახურება (საკონფერენციო ოთახი, სატრენინგო ფართის დაქირავება):

- 3 სატრენინგო ოთახი 8 დღე თითოეული არანაკლებ 20 მონაწილეზე. სატრენინგო ოთახებში უნდა იყოს: სამუშაო მაგიდები (თითო მაგიდა 4-5 მონაწილისთვის) და სკამები 20 მონაწილისათვის; დაფის ბორდ მარკერი (არანაკლებ 30 ცალი სხვადასხვა ფერის); ფლიპ ჩარტი - არანაკლებ 9 შეკვრა, პერმანენტ მარკერები - მინიმუმ 30 ცალი (სხვადასხვა ფერის); პროექტორი და პროექტორის დაფა; ლეპტოპი; ინტერნეტი; მინიმუმ ერთი შეკვრა A4 ფორმატის საბეჭდი ქაღალდი; ტრენინგის მონაწილეები უზრუნველყოფილნი უნდა იყვნენ არანაკლებ ერთი ლიტრი (ბოთლით) წყლით/მინერალური წყლით (თითო პერსონა) და ერთჯერადი გამოყენების ჭიქებით;
- 1 საკონფერენციო დარბაზი 65 მონაწილეზე 1 დღე. საკონფერენციო დარბაზში უნდა იყოს: 2 (ერთი) მობილური; ინდივიდუალური ბლოკნოტი და პასტა თითოეული მონაწილისთვის; პროექტორი და პროექტორის დაფა; ლეპტოპი; ინტერნეტი; სკამები 65 პერსონაზე თეატრალური განლაგებით; 1 კათედრა 5 ადამიანზე; თითოეულ მონაწილეზე 0,5 ლიტრი სასმელი/მინერალური წყალი და ჭიქები.
- საკონფერენციო დარბაზში, სატრენინგო უნდა იყოს გამართული კონდიციონერი (გათბობა/გაგრილების საშუალება). ტრენინგ ოთახები უნდა იყოს იზოლირებული და ერთმანეთისგან დამოუკიდებელი (ფარდით ან სხვა საშუალებით გამოყოფა არ მოიაზრება);
- საკონფერენციო, სატრენინგო ოთახებს უნდა ჰქონდეს დღის ბუნებრივი განათება (უფანჯრო ოთახები არ განიხილება) და უნდა ნიავედებოდეს; სატრენინგო ოთახები არ უნდა ემიჯნებოდეს სამზარეულო სივრცეს.
- საკონფერენციო, სატრენინგო არ უნდა იყოს განთავსებული სარდაფის ან ნახევრად სარდაფის ტიპის ფართში.

შენიშვნა: შემოთავაზებული სასტუმროს პირობების სატენდერო დოკუმენტაციით განსაზღვრულ ტექნიკურ მოთხოვნებთან შესაბამისობის დადგენის მიზნით შემსყიდველი ორგანიზაცია უფლებამოსილია მოახდინოს სასტუმროს დათვალიერება.

2.7 ტრანსპორტირება

65 მონაწილის ტრანსპორტირება ქ. თბილისიდან (მისამართი: ქ. თბილისი, გლდანი, გმირ კურსანტა ქ. N 1) სასტუმრომდე და უკან. თბილისიდან ტრანსპორტირება უნდა განხორციელდეს ერთ ეტაპად 2015 წლის 5 ოქტომბერს 10:00 საათზე, ხოლო სასტუმროდან თბილისის მიმართულებით – 2015 წლის 14 ოქტომბერს 12:00 საათზე. თბილისიდან და უკან გამგზავრების ადგილის და თარიღის ცვლილების შემთხვევაში მიმწოდებელს ეცნობება წინასწარ. ტრანსპორტირება უნდა განხორციელდეს გათბობა-კონდიციონერის გამართული სისტემით აღჭურვილი უსაფრთხო და კომფორტული მიკროავტობუსებით.

2.8 შემოთავაზებული ფასები უნდა მოიცავდეს მომსახურების სრულყოფილად გაწევასთან დაკავშირებულ ყველა ხარჯს, მათ შორის კანონმდებლობით გათვალისწინებულ ყველა გადასახადს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღ-ს გარეშე. თუ ტენდერში გაიმარჯვებს დღ-ს გადამხდელი პირი, მასთან ხელშეკრულება გაფორმდება დღ-ს გათვალისწინებით.

2.9 მომსახურება გაწეული უნდა იყოს ტექნიკური დავალების შესაბამისად.

2.10 პრეტენდენტს არ აქვს უფლება წარმოადგინოს ალტერნატიული სატენდერო წინადადება;

2.11 პრეტენდენტი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე.

2.12 შესყიდვის ობიექტის ღირებულება შეიძლება შემცირდეს ფაქტობრივად გაწეული მომსახურების მიხედვით;

2.13 შუამავალი კომპანიის მონაწილეობის შემთხვევაში, პრეტენდენტმა უნდა წარმოადგინოს ინფორმაცია/დასტური იმის თაობაზე, რომ მის მიერ შემოთავაზებული სასტუმროს ადმინისტრაცია გაცნობილია სატენდერო დოკუმენტაციის პირობებს და მზად არის გასწიოს სასტუმრო მომსახურება სატენდერო დოკუმენტაციაში მითითებული პირობების მიხედვით;

2.14 სასტუმროში მონაწილეების დაბინავების მომსახურება, კვება-შვდური მაგიდა და შეხვედრების ორგანიზების მომსახურება მიმწოდებლის მიერ გაწეულ უნდა იქნეს ერთ სივრცეში ერთი სასტუმროს მიერ;

2.15 შემოთავაზებული სასტუმროს პირობების სატენდერო დოკუმენტაციით განსაზღვრულ ტექნიკურ მოთხოვნებთან შესაბამისობის დადგენის მიზნით შემსყიდველი ორგანიზაცია უფლებამოსილია მოახდინოს სასტუმროს დათვალიერება.

3 პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- 3.1. ინფორმაცია კომპანიის რეკვიზიტების შესახებ (ორგანიზაციის ან ფიზიკური პირის დასახელება, იურიდიულ მისამართი, ტელეფონის/ფაქსის ნომერი, საბანკო რეკვიზიტები, ხელმძღვანელ(ებ)ის სახელი და გვარი;
- 3.2. გასაწევი მომსახურების ხარჯთაღრიცხვა სატენდერო დოკუმენტაციაში მოცემული ცხრილის მიხედვით (დანართი №1-ის შესაბამისად);
- 3.3. ინფორმაცია გაწეული ანალოგიური მომსახურების შესახებ (დანართი №2-ის შესაბამისად) (პრეტენდენტს წინადადების წარდგენის დღემდე უნდა გააჩნდეს ანალოგიური მომსახურების გაწევის არანაკლებ 2-წლიანი გამოცდილება);
- 3.4. დეტალური ინფორმაცია სასტუმროს შესახებ, სასტუმროს მითითებით (ინფორმაცია პრეტენდენტის მიერ შემოთავაზებული მომსახურე სასტუმროს შესახებ (სასტუმროს ადგილმდებარეობა, ზუსტი მისამართი, ტელეფონის/ფაქსის ნომერი, სასტუმროს აღწერილობა);
- 3.5. შუამავალი კომპანიის მონაწილეობის შემთხვევაში, პრეტენდენტმა უნდა წარმოადგინოს წერილობითი დასტური იმის თაობაზე, რომ შემოთავაზებული სასტუმროს ადმინისტრაცია გაცნობილია სატენდერო დოკუმენტაციის პირობებს და მზად არის გასწიოს სასტუმრო მომსახურება სატენდერო დოკუმენტაციაში მითითებული პირობების მიხედვით. აღნიშნული დოკუმენტი დამოწმებული უნდა იყოს (ხელმოწერებით და/ან ბეჭდებით) როგორც სასტუმროს, ასევე პრეტენდენტის მიერ.

4. ანგარიშსწორების სავალდებულო პირობები:

- 4.1. ხელშეკრულებით განსაზღვრული ღირებულება ანაზღაურდება ფაქტობრივად გაწეული მომსახურების (მონაწილეთა რაოდენობის მიხედვით) მიხედვით, შემსყიდველთან შეთანხმებული იმ პირობა სიის საფუძველზე, რომელთაც გაეწიათ ხელშეკრულებით გათვალისწინებული მომსახურება. აღნიშნული სია უნდა იყოს ორივე მხრიდან დამოწმებული. შემსყიდველის მხრიდან სიაზე ხელმოწერის უფლებამოსილება ენიჭება მიღება-ჩაბარების აქტზე ხელმოწერ პიროვნებას (განისაზღვრება ხელშეკრულებით);
 - 4.2. ანაზღაურება მოხდება მიღება-ჩაბარების აქტის გაფორმებიდან 15 სამუშაო დღის განმავლობაში. წარმოადგენილი ანგარიშ-ფაქტურის და 4.1. პუნქტით განსაზღვრული სიის საფუძველზე; ანგარიშსწორება მოხდება უნაღდო ანგარიშსწორებით ლარში;
 - 4.3. წინასწარი ანგარიშსწორება (ავანსი) არ გამოიყენება.
5. პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.

შენიშვნა:

სსიპ სახელმწიფო შესყიდვების სააგენტოს თავმჯდომარის 2011 წლის 7 აპრილის N 9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მე-11 მუხლის მე-2¹ პუნქტის შესაბამისად, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა შესაძლებელია დასაბუთდეს ექსპერტიზის დასკვნით, რომელიც ადასტურებს პრეტენდენტის მიერ დაფიქსირებულ ფასად ნაკისრი ვალდებულებების შესრულების შესაძლებლობას ან/და წინამდებარე ტენდერით გათვალისწინებული შესყიდვის ობიექტის იდენტური მომსახურების უკანასკნელი 1 წლის მანძილზე გაწევის გამოცდილების დამადასტურებელი დოკუმენტაცია (ხელშეკრულება, მიღება-ჩაბარების აქტი, ან/და ანგარიშ-ფაქტურა). პრეტენდენტი ვალდებულია სისტემის მეშვეობით წარმოადგინოს ფასწარმოქმნის ადეკვატურობის დამადასტურებელი დოკუმენტი შემსყიდველის წერილობითი მოთხოვნიდან 5 (ხუთი) სამუშაო დღის ვადაში.

დამატებითი ინფორმაცია შეგიძლიათ მიიღოთ შემდეგი საკონტაქტო პირებისგან:

სატენდერო დოკუმენტაციასთან დაკავშირებული განმარტებების მიღება პრეტენდენტებს შეუძლიათ სახელმწიფო შესყიდვების ერთიანი ელექტრონული სისტემის ტენდერის შესაბამის ველში კითხვა-პასუხის მეშვეობით, ასევე სატენდერო კომისიის აპარატში მიმართვის შემთხვევაში შემდეგი საკონტაქტო პირისგან: სსიპ - მასწავლებელთა პროფესიული განვითარების ეროვნული ცენტრი, მისამართი: ქ. თბილისი, გმირ კურსანტთა ქ. №1, III სართული, ნიკო გიგოლაშვილი, ტელ: 220 0 220 (4608) მობ: მობ: 577 518 518 საკონტაქტო პირი: ელ. ფოსტა ngigolashvili@tpdc.ge

სახელმწიფო შესყიდვის შესახებ ხელშეკრულების პროექტი

(ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში).

ქ. თბილისი

_____ 2015 წ.

ერთის მხრივ, სსიპ მასწავლებელთა პროფესიული განვითარების ეროვნული ცენტრი (შემდგომში „შემსყიდველი“), წარმოდგენილი ცენტრის დირექტორის ----- სახით და მეორეს მხრივ, _____ (შემდგომში „მიმწოდებელი“), წარმოდგენილი --- ----- სახით (შემდგომში ერთობლივად მხარეები), „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ 2011 წლის, 7 აპრილის სახელმწიფო შესყიდვების სააგენტოს თავმჯდომარის, №9 ბრძანების შესაბამისად, სასტუმრო მომსახურების (cpv 55110000 - სასტუმროში დაბინავების მომსახურება, cpv 55120000 - სასტუმროში შეხვედრების და კონფერენციების ორგანიზების მომსახურება) შესყიდვაზე, ელექტრონული ტენდერის ჩატარების შედეგად, რომელიც გამოცხადებულ იქნა შემსყიდველის მიერ 2015 წლის -- ---- (სატენდერო განცხადების №SPA15-----), დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.1. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „შესყიდვის ობიექტი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი;
- 1.4. „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და უზრუნველყოფს მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.
- 1.6. „სატენდერო დოკუმენტაცია“ - შესყიდვის ობიექტისა და პრეტენდენტების საკვალიფიკაციო მოთხოვნების აღწერის მიზნით სატენდერო განცხადებაზე №SPA15----- თანდართული დოკუმენტაცია;
- 1.7. „სატენდერო წინადადება“-მიმწოდებლის მიერ №SPA15----- ელექტრონული ტენდერით წარმოდგენილი ტექნიკური დოკუმენტაცია და ელექტრონული ვაჭრობის შედეგად დადგენილი საბოლოო ფასი (შესაბამისი დაზუსტებული ფასების ცხრილი).

2. ხელშეკრულების საგანი

ხელშეკრულების საგანია სასტუმრო მომსახურების გაწევა სატენდერო დოკუმენტაციაში მოცემული ტექნიკური დავალების შესაბამისად. ხელშეკრულების ფარგლებში გაწეული მომსახურება უნდა შეესაბამებოდეს ტექნიკურ დავალებაში მითითებულ სტანდარტებს. სატენდერო დოკუმენტაციაში მოცემული მომსახურების მახასიათებლებიდან ერთ-ერთის დარღვევის, შეუსრულებლობის ან უხარისხოდ შესრულების შემთხვევაში შემსყიდველი ჩათვლის, როგორც ვალდებულების შეუსრულებლობას მიმწოდებლის მხრიდან და გამოიყენებს საქართველოს კანონმდებლობითა წინამდებარე ხელშეკრულებით გათვალისწინებულ შესაბამის უფლებამოსილებას.

3. ხელშეკრულების ღირებულება

- 3.1. წინამდებარე ხელშეკრულების საერთო ღირებულება შეადგენს ---- (-----) ლარს;
- 3.2. წინამდებარე ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი, რომლის გადახდაც ეკისრება მიმწოდებელს.

4. ხელშეკრულების შესრულების კონტროლი

- 4.1. შემსყიდველს ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება;
- 4.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი;

4.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;

4.4. ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან;

4.5. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განხორციელებს -----, რომელიც წინამდებარე ხელშეკრულებაზე ხელმოწერით ადასტურებს, რომ აღნიშნული შესყიდვის განხორციელებაში მისი მონაწილეობა არ იწვევს ინტერესთა კონფლიქტს („სახელმწიფო შესყიდვების შესახებ“ საქართველოს კანონის მე-8 მუხლის, პირველი პუნქტის „გ“ და „ე“ ქვეპუნქტები).

5. მომსახურების გაწევის ვადები

მომსახურების გაწევა განხორციელდება 2015 წლის ---- ------.

6. შესყიდვის ობიექტის მიღება-ჩაბარების წესი

6.1. შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ ფაქტობრივად გაწეულის მომსახურების თაობაზე მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენენ -----);

6.2. მიღება-ჩაბარების აქტის გაფორმების საფუძველს წარმოადგენს მიმწოდებლის მიერ წარმოდგენილი ანგარიშები;

6.3. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

7. ანგარიშსწორება

7.1. შემსყიდველი იღებს ვალდებულებას აუნაზღაუროს მიმწოდებელს ხელშეკრულებით განსაზღვრული ღირებულება ფაქტობრივად გაწეული მომსახურების შემდგომ, მიღება-ჩაბარების აქტის გაფორმებიდან 15 სამუშაო დღის განმავლობაში. ანაზღაურება მოხდება მირება-ჩაბარების აქტის, ანგარიშ-ფაქტურის და იმ პირთა დამოწმებული სიის საფუძველზე, რომელთაც გაეწია სასტუმრო მომსახურება; მონაწილეთა სია უნდა იყოს ორივე მხრიდან დამოწმებული. შემსყიდველის მხრიდან სიაზე ხელმოწერის უფლებამოსილება ენიჭება მიღება-ჩაბარების აქტზე ხელმოწერ პირს (წინამდებარე ხელშეკრულების მე-4 მუხლის 4.5 პუნქტში მითითებული პირი);

7.2. ანგარიშსწორება მოხდება ლარებში;

7.3. გადახდის ფორმა – უნაღდო, გადარიცხვა მიმწოდებლის საბანკო ანგარიშზე.

8. ხელშეკრულებაში ცვლილებების შეტანა (ღირებულების გადასინჯვა)

8.1. მიმწოდებლის მიერ დაფიქსირებული გასაწევი მომსახურების ფასი წარმოადგენს ხელშეკრულების ღირებულებით პარამეტრებს;

8.2. ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია;

8.3. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით;

8.4. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა;

8.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

9. ხელშეკრულებაში ცვლილებების შეტანა

9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა;

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;

9.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით;

9.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

11. გარანტია

11.1. მიმწოდებელი ვალდებულია შეტყობინების მიღებისთანავე განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე;

11.2. მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

12. ხელშეკრულების პირობების შეუსრულებლობა

12.1. „შემსყიდველი“ უფლებამოსილია ხელშეკრულებით ნაკისრი პირობებისა და ვალდებულებების შეუსრულებლობის ან/და არაჯეროვნად არასრულად შესრულების გამო დააკისროს „მიმწოდებელს“ პირგასამტეხლო სახელშეკრულებო ღირებულების 5%-ის ოდენობით;

12.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები;

12.3. ხელშეკრულებით ნაკისრი ვალდებულებების შეუსრულებლობის ან წინამდებარე ხელშეკრულების მე-5 მუხლით განსაზღვრული მომსახურების ვადის გადაცილებისათვის მიმწოდებელს დაეკისრება პირგასამტეხლოს გადახდა, ვადაგადაცილებულ დღეზე ხელშეკრულების ღირებულების 5%-ის ოდენობით;

12.4. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

12.5. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, შემსყიდველს უფლება აქვს ცალმხრივად შეწყვიტოს ხელშეკრულება.

13. ხელშეკრულების შეწყვეტა მისი პირობების შეუსრულებლობის გამო

13.1. მიმწოდებლის მიერ ხელშეკრულების პირობების შეუსრულებლობის შემთხვევაში შესყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

13.3. ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან;

13.4. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

13.5. შემსყიდველი უფლებამოსილია მთლიანად ან ნაწილობრივ ცალმხრივად შეწყვიტოს ხელშეკრულება, თუკი მიმწოდებლის მხრიდან შესყიდვის ობიექტის მიწოდების ვადების დარღვევის პერიოდი აღემატება 20 კალენდარულ დღეს.

14. ხელშეკრულების მოქმედების ვადა წინამდებარე ხელშეკრულება ძალაშია ზემოთ მითითებული თარიღიდან მხარეთა მიერ ხელშეკრულებით გათვალისწინებული ვალდებულებების სრულ და ჯეროვან შესრულებამდე, 2015 წლის -- ----- ჩათვლით.

15. ფორს-მაჟორი

15.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი;

15.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება

გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა;

15.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

16. სადაო საკითხების გადაწყვეტა

16.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;

16.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების პირობებში სხვა რამ არ არის გათვალისწინებული.

17. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

18. ხელშეკრულების ენა

ხელშეკრულება შედგენილი უნდა იქნეს ქართულ ენაზე.

19. სხვა პირობები

19.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

19.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

19.3. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

19.4. გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

19.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შესყიდველი

სსიპ მასწავლებელთა პროფესიული

განვითარების ეროვნული ცენტრი

საიდენტიფიკაციო კოდი: 202374251

გმირ კურსანტთა ქ. №1

სახელმწიფო ხაზინა. ბანკის კოდი: TRESGE22,

ანგარიშის №GE24NB0330100200165022;

მიმწოდებელი

შპს "-----"

საიდენტიფიკაციო კოდი: -----

მის: -----

ტელ/ფაქსი: ---

ბანკი: ---

კოდი:-----, ა/ა:-----

დანართი №1
გასაწევი მომსახურების ხარჯთაღრიცხვა
2015 წლის 5-14 ოქტომბერი
1.1. სასტუმრო მომსახურება

№	გასაწევი მომსახურების დასახელება	რაოდენობა	დღეების/ღამეების რაოდენობა	ერთეულის ფასი (ფასი)*	საერთო ფასი (ლარი)
1	სასტუმროს ნომრით მომსახურება, ---- წლის -----.				
1.1	ერთადგილიანი ნომერი	5	9		
1.2	ორადგილიანი ნომერი	60	9		
1.3	სამადგილიანი ნომერი		9		
	ჯამი:				
	შენიშვნა: *ერთეულის ფასში მოიაზრება ნომერში ერთი კაცის დაბინავების ღირებულება				
2	საკონფერენციო ოთახი, ტრენინგის ოთახისა და სამუშაო ოთახის დაქირავება				
2.1	საკონფერენციო დარბაზი (65 პერსონაზე)	1	1		
2.2	სატრენინგო ოთახი არანაკლებ 20 პერსონაზე)	3	8		
	ჯამი:				
3	კვებითი მომსახურება				
3.1	საუზმე	65	9		
3.2	სადილი	65	9		
3.3	ვახშამი	65	9		
3.4	ყავის შესვენება	65	9		
	ჯამი:				
	შენიშვნა: *ყავის შესვენება ნაანგარიშებია დღეში ორჯერ				
	სულ:				

2015 წლის 5 ოქტომბერი – ორჯერადი კვება (სადილი, ვახშამი);
2015 წლის 6 ოქტომბერი – სამჯერადი კვება (საუზმე, სადილი, ვახშამი);
2015 წლის 7 ოქტომბერი – სამჯერადი კვება (საუზმე, სადილი, ვახშამი);
2015 წლის 8 ოქტომბერი – სამჯერადი კვება (საუზმე, სადილი, ვახშამი);
2015 წლის 9 ოქტომბერი – სამჯერადი კვება (საუზმე, სადილი, ვახშამი);
2015 წლის 10 ოქტომბერი – სამჯერადი კვება (საუზმე, სადილი, ვახშამი);
2015 წლის 11 ოქტომბერი – სამჯერადი კვება (საუზმე, სადილი, ვახშამი);
2015 წლის 12 ოქტომბერი – სამჯერადი კვება (საუზმე, სადილი, ვახშამი);
2015 წლის 13 ოქტომბერი – სამჯერადი კვება (საუზმე, სადილი, ვახშამი);
2015 წლის 14 ოქტომბერი – ერთჯერადი კვება (საუზმე)

1.2. კონფერენციის მონაწილეთა ტრანსპორტირება

№	რეგიონი	გამოყენებული ტრანსპორტის სახეობა ადგილების რაოდენობის მითითებით	მიკროავტობუსების/მსუბუქი მანქანის რაოდენობა	ტრანსპორტირების ღირებულება რეგიონიდან სასტუმრომდე და უკუმიმართულებით
1	ტრანსპორტირება ქ. თბილისიდან სასტუმრომდე და უკან მაქსიმუმ 65 კაცზე (მიკროავტობუსები)			

№	გაწეული მომსახურების დასახელება	დამკვეთი ორგანიზაციის დასახელება	გაწეული მომსახურების პერიოდი	ხელშეკრულების ღირებულება
1				
2				
...				

პრეტენდენტის ხელმოწერა: -----

კვებითი მომსახურება მოიცავს სამჯერად კვებას. შემოთავაზებული მენიუ უნდა იყოს მდიდარი რაციონის და იცვლებოდეს პერიოდულად. მენიუ უნდა მოიცავდეს სამარხო და არასამარხო კერძებს, ამასთან მენიუ უნდა შეიცავდეს არანაკლებ:

➤ საუზმე:

- ❖ რძის ნაწარმი (3 სახეობის);
- ❖ მურაბა;
- ❖ ცხელი კერძი (2 სახეობის);
- ❖ გარნირი (2 სახეობის);
- ❖ დესერტი (2 სახეობის);
- ❖ სასმელი (ჩაი, ყავა).

➤ სადილი:

- ❖ წვნიანი (1 სახეობის);
- ❖ რძის საწარმი (2 სახეობის);
- ❖ ცხელი კერძი (2 სახეობის);
- ❖ სალათი (2 სახეობის);
- ❖ საწებელი (2 სახეობის);
- ❖ დესერტი;
- ❖ სასმელი (ჩაი, ყავა, წვენი, გაზიანი არაალკოჰოლური სასმელი, მინერალური წყალი).

➤ ვახშამი:

- ❖ შაშხი (1 სახეობის);
- ❖ ცომეული (2 სახეობის);
- ❖ რძის საწარმი (2 სახეობის);
- ❖ დესერტი;
- ❖ სასმელი (ჩაი, ყავა).